

Piste 312_5

Kudfume na mna nkuhu

Hadisi ya kudfume na mna nkuhu

Kudfume haka uhandza yalole emwana mdjomba hahe

Sha emdzadza mna nkuhu kadjaka uhandza, emdjomba haka uhandza yarengé emwana ne mwana mwanamshwa hahe yawaloze

Kudfume hendé hata hamlola, haka undjiya dhahoni

Ola mna nkuhu hapara bwana harussi hamwambiya ukaya :

- Ntso, ba pvanu ledaho linu ngilona ndrongo wa ladhimu udjuwe Hunu mndru ndjiya, hunu mndru ka ndjiya, pvanu mndru rongowa, zehidja djau mndru ka rongowa...

Yâni ngumsomo eheli yahe ledaho, hauka hamtrendeya hodahoni hula

Pwendé pwa fanyilwa kanga labwana harussi yadje yalale

Kudfume haharaya :

- 'Â'â ! Mi tsi do lala kangani !
Na pwa fanyilwa shumba nidje nilale !

Mna nkuhu hamdji bu :

- Hewe ! Tsi trendé hodahoni hunu raha na we
Kayiri ubaki pvanu kangani

Kudfume hasiha giri, hari katsu lala hokangani

Haheya pvodjuu mwe lekanga halala

Emasihu pvoya hadja, emapvaha yadingo hula emahudfume ne zenkuhu

yadjuha, yandjiya hula dhahoni nga tsahao shahula

Watso hendé âgaliya pvala, wahundru ola kudfume

« E djaa » Wanamara pvala

Kudfume pvoya ishiya emapvaha hayiha :

- Kuku-u-kuu !!!
Kuku-u-kuu !!!

Mna nkuhu hamba :

- Ah Ah ! Kudfume deyayiha mtsana, sha eyayiha masihu uwo tsi kudfume !

Tsi hwambiya udje pvanu huharaya, yapvo utsi yihe !
Yapvo wetsi kudume !

Al muradi kadja liwa n'emavaha
Masihu yapviri, ola kudume habaki djumwe lekanga hata pvomtsana
Mdjomba hahe ne mndrumshe walemewa, wende wasihi ho itrاندani
pvala ngwa vumwao
Kudume hatso heya oharumwe she itranda pvala, hawono mdjomba
hahe ne mndrumshe ngwa siuhao, hayiha :
- Kuku-u-kuu !!!
Kuku-u-kuu !!!

Ola mdzadze hashampa !!

Kadjadjo dea ola kudume, sha hatso omba :
- Mnyezi-Mngu ngudjo angamiza eya hupveha hunu
Eya hupveha hunu deya renda nanyi, sha tsi dawe wayiha masihu !